



# MEMORIA DE ACTIVIDADES 2021

## Versión en Lectura Fácil

**DOWN**  
Galicia

Federación  
Síndrome  
de Down

Esta Memoria está escrita en Lectura Fácil.

A Lectura Fácil é unha forma de escribir sinxela e clara.

Así, todas as persoas podemos entender os textos.

En Lectura Fácil utilizamos unha letra fácil de ler, un tamaño de letra grande e espazos entre as liñas maiores aos habituais.



# DOWN GALICIA

Down Galicia comezou a traballar en 1998.

É unha Federación. Isto quere dicir que está formada por varias asociacións distintas.

Agora mesmo hai 7 asociacións e 1 fundación que forman parte de Down Galicia. Estas asociacións están en Ferrol, A Coruña, Santiago de Compostela, Lugo, Ourense, Pontevedra e Vigo.

Neste momento, a Federación e as súas entidades membro dan servizo a 759 persoas coa síndrome de Down e outras discapacidades intelectuais.

## Obxectivos

Traballamos para apoiar ás persoas coa síndrome de Down e discapacidade intelectual para que vivan a vida que elas mesmas elixan.

Para iso, asegurámonos de que se cumpra a Convención Internacional de Dereitos das Persoas con Discapacidade.

É un documento con todos os dereitos que teñen todas as persoas con discapacidade intelectual. É obligatorio que eses dereitos se cumpran.

Tamén traballamos para mellorar a saúde, para mellorar a educación, e para que todo o mundo coñeza e respecte ás persoas coa síndrome de Down.

## Como o facemos

En Down Galicia traballamos para que as persoas coa síndrome de Down e discapacidade intelectual poidan ser autónomas.

Ser unha persoa autónoma significa valerse por si mesma, sen precisar a axuda dos demás todo o tempo.

Traballamos xunto ás persoas coa síndrome de Down, para apoialas en toda a súa vida. Desde que nacen ata que son moi maiores.

## Que é a síndrome de Down

Todas as persoas temos no corpo cromosomas.

Os cromosomas fan que cada persoa sexa distinta: morena, rubia, alta, baixa, home, muller.

O habitual é que cada persoa teña 46 cromosomas. Estes cromosomas van de 2 en 2 formando un par. Polo tanto, cada persoa ten 23 pares de cromosomas.

Pero as persoas coa síndrome de Down teñen un cromosoma máis. No par 21, en lugar de ter 2 cromosomas, teñen 3.

Isto fai que precisen máis tempo para aprender algo. Con esforzo e con apoio consiguen todo o que se propoñen.

## Principios

- Diversidade. “Todas as persoas somos diferentes”.
- Dignidade. “Son unha persoa”.
- Autodeterminación. “Vivo a miña vida”.
- Igualdade de oportunidades. “Coma ti podo, con apoio”.
- Inclusión. “A miña inclusión é o éxito de todos”.



# HISTORIA

Ano	Acontecimento
1989	• Nace a Asociación Down Vigo
1991	• Nace a Asociación Down Pontevedra ‘Xuntos’
1994	• Nace a Asociación ‘Teima’ Down Ferrol
1996	• Nace a Asociación Down Lugo
1997	• Nace a Asociación Down Compostela
1998	• Nace a Federación Down Galicia
2000	• Nace a Asociación Down Coruña
2002	• A Federación crea o Programa “Emprego Con Apoio”, tamén chamado ECA
2003	• Nace a Asociación Down Ourense
2004	• Down Galicia entra a formar parte do CERMI, que é o “Comité Galego de Entidades Representantes de Persoas con Discapacidade”. Traballa para defender os dereitos de todas as persoas con discapacidade
2006	• Nace a Fundación Down Compostela • Down Galicia é declarada de Utilidade Pública. Quere dicir que Down Galicia traballa polo interese xeral das persoas coa síndrome de Down e con discapacidade intelectual • Down Galicia acóllese á Lei de Mecenado. Isto significa que as persoas e empresas que doan a Down Galicia poden ter descontos nos seus impostos
2008	• Down Galicia, xunto con outras entidades de Iniciativa Social, apostá pola constitución de EAPN Galicia, que é a Rede contra a Pobreza e a Exclusión Social. Traballa para que ningunha persoa sexa excluída da sociedade, por ningún motivo • AENOR comeza a certificación de calidade dos servizos da Federación. Isto quere dicir que o traballo que fai Down Galicia e as súas entidades membro (asociacións e fundación) faise de forma correcta. AENOR é a empresa que controla este traballo e que di se está ben feito ou non

Ano	Acontecimento
2009	<ul style="list-style-type: none"> <li>Realízase a planificación estratéxica para o período 2009/2012. Trátase dun documento no que se recolle todo o traballo que hai que facer entre o ano 2009 e o ano 2012</li> </ul>
2010	<ul style="list-style-type: none"> <li>A Federación crea o servizo de Vida Independente</li> <li>Comezan os cursos e xornadas sobre Aprendizaxe Cooperativa. Trátase de estudar unha nova forma de dar clase para que todo o alumnado participe e colabore na aula</li> </ul>
2011	<ul style="list-style-type: none"> <li>AENOR (ISO 9001) certifica a calidade de todos os servizos e procesos que realizan as entidades membro de Down Galicia</li> <li>Renovación da Xunta Directiva por 4 anos</li> </ul>
2012	<ul style="list-style-type: none"> <li>Créase o Departamento de Comunicación</li> </ul>
2013	<ul style="list-style-type: none"> <li>Créase a área de Envellecemento Activo. O obxectivo é que as persoas con síndrome de Down ou con discapacidade intelectual se fagan maiores sen perder a súa autonomía, ao igual que calquera outra persoa</li> <li>Realízase a planificación estratéxica 2014-2016</li> <li>Renóvase a web da Federación Down Galicia</li> </ul>
2014	<ul style="list-style-type: none"> <li>Conséguese a certificación por parte da Fundación Lealtad como entidade analizada en transparencia e boas prácticas.</li> <li>Apróbase o Plan Estratégico da Federación Down Galicia 2014-2016</li> <li>Créanse os Premios Down Galicia para entregar o 21 Marzo de cada ano</li> <li>Obtéñense os Permisos de Inicio de Actividade da Rede de Vivendas de Down Galicia (5 vivendas)</li> </ul>
2015	<ul style="list-style-type: none"> <li>Comézase a utilizar unha nova ferramenta de xestión e control da información</li> <li>Renovación da Xunta Directiva</li> <li>No 2015 celebrouse o ‘Encontro de Persoas coa síndrome de Down e discapacidade intelectual, familias e técnicos’ das entidades Down</li> </ul>

Ano	Acontecimento
2016	<ul style="list-style-type: none"> <li>• Celébrase o 2º Encontro Nacional de Mozos e Mozas de Down España</li> <li>• Celébrase o 2º Encontro de Directivos e Técnicos de Entidades Down Galicia</li> <li>• Créase un protocolo para poder detectar canto antes as patoloxías neurodexenerativas, como o Alzheimer. É o chamado Protocolo ASE</li> <li>• Créase a Revista Down Galicia (trimestral) e o boletín interno (mensual)</li> </ul>
2017	<ul style="list-style-type: none"> <li>• Celébrase o Encontro 2017 de Down Galicia para persoas coa síndrome de Down e/ou discapacidade intelectual, familias e técnicos</li> <li>• Participación na elaboración do Protocolo de Inclusión Educativa para persoas coa síndrome de Down</li> </ul>
2018	<ul style="list-style-type: none"> <li>• Down Galicia organiza a “Festa pola inclusión” polo seu 20 aniversario</li> <li>• Publicación do “Protocolo de Inclusión Educativa para persoas coa síndrome de Down e/ou discapacidade intelectual” en colaboración coa Xunta</li> <li>• Publicación da “Guía de estilo sobre persoas coa síndrome de Down”</li> <li>• Publicación das “Recomendacións de saúde para persoas adultas coa síndrome de Down”</li> </ul>
2019	<ul style="list-style-type: none"> <li>• Publicación do vídeo “Guía rápida sobre a síndrome de Down”</li> <li>• Celébrase o ‘Encontro de directivos e técnicos do movemento Down Galicia’</li> <li>• Renovación da Xunta Directiva</li> <li>• Down Galicia cambia o seu nome oficial polo de Federación Down Galicia e aproba uns novos estatutos</li> <li>• Constitución dunha UTE (Unión Temporal de Empresas) con FEAFES Galicia para a execución conxunta de proxectos de emprego en Galicia</li> <li>• Organízase o taller de Familias “Compartindo miradas sobre a educación” e a xornada “Educación inclusiva: Deseño Universal para a Aprendizaxe (DUA) e boas prácticas”</li> <li>• Realízase o plan estratéxico 2019-2022 de Down Galicia</li> </ul>

Ano	Acontecimento
2020	<ul style="list-style-type: none"> <li>• Non se paralizou a actividade de ningunha entidade Down de Galicia durante o confinamento polo estado de alarma</li> <li>• Reorganización dos servizos prestados para adaptarse á pandemia: teletraballo e atención a distancia ás persoas usuarias</li> <li>• Creación do espazo web “Recursos Down”, con información e recursos para que todas as persoas poidan realizar distintas actividades desde a casa</li> <li>• Cambio dos servidores nas entidades Down</li> </ul>
2021	<ul style="list-style-type: none"> <li>• As persoas que traballan na Federación comezan a xestionar o Sistema de Xestión de Calidade</li> <li>• Desde este ano a Federación pode traballar a distancia de forma segura</li> <li>• As entidades Down e a Federación colocan desfibriladores nas súas instalacións (agás Down Coruña)</li> <li>• Creación da Comisión de Apoios Personalizados</li> <li>• Creación dunha nova páxina web para Down Galicia</li> <li>• Creación dun boletín que se envía cada tres meses coa información sobre o traballo realizado pola Federación</li> <li>• Elaboración do libro “Xela celebra o seu aniversario” de Os Bolechas</li> </ul>

## PREMIOS E RECOÑECIMENTOS

Ano	Premio
2004	<ul style="list-style-type: none"> <li>• Premio “ONCE Galicia á Solidariedade” de integración laboral”</li> </ul>
2012	<ul style="list-style-type: none"> <li>• Primeiro Premio da 5ª edición dos Premios Nacionais “Educaweb” de Orientación Académica e Profesional co proxecto "Guía de orientación académica y profesional para personas con síndrome de Down y/o discapacidad intelectual"</li> <li>• Primeiro Premio Nacional do VI Concurso “Voluntarios BBVA” co proxecto “Empleo Con Apoyo para personas con síndrome de Down y/o discapacidad intelectual”</li> </ul>
2013	<ul style="list-style-type: none"> <li>• Terceiro Premio Nacional Solidario Cenor Electrodomésticos ao proxecto de Emprego Con Apoio</li> </ul>
2014	<ul style="list-style-type: none"> <li>• Premio Luis Tilve “Traballo Digno” ao proxecto Emprego Con Apoio</li> <li>• XI Convocatoria de Ayudas Fundación Solidaridad Carrefour ao proxecto “Aulas Interactivas para la Estimulación Cognitiva de Alumnos con Síndrome de Down”</li> <li>• Premio do I Concurso de Proyectos Solidarios de la Fundación Grupo Norte ao proxecto “Emprego Con Apoio”</li> <li>• Premio Accésit Atresmedia ao proxecto “Una escuela para todos: Apoyo a la inclusión escolar de alumnos con síndrome de Down y/o discapacidad intelectual”</li> </ul>
2015	<ul style="list-style-type: none"> <li>• Primeiro Premio Fundación Randstad na categoría institucional ao proxecto “Potenciando el talento profesional: Empleo Con Apoyo”</li> <li>• Premio ao Mellor Proxecto TIC con Beneficios Sociais 2015 ao proxecto “Aulas Interactivas para la Estimulación Cognitiva de Alumnos con Síndrome de Down”, AETG – AMTEGA</li> <li>• Entidade seleccionada e participante no Desafío Solidario 2015 – Fundación Botín: mellora da Educación en España</li> </ul>

Ano	Premio
2016	<ul style="list-style-type: none"> <li>Premio Categoría Xeral V edición de Territorios Solidarios BBVA ao proxecto Vida independente de persoas coa síndrome de Down e/ou discapacidade intelectual.</li> </ul>
2017	<ul style="list-style-type: none"> <li>III Premios Redacción Médica á Sanidade de Galicia na categoría de Responsabilidade Social Sociosanitaria.</li> </ul>
2018	<ul style="list-style-type: none"> <li>Premio “la Caixa” á Innovación Social 2017 ao proxecto “Unha escola para todos/as: Inclusión educativa de alumnos/as coa Síndrome de Down e/ou discapacidade intelectual”.</li> <li>Recoñecemento da Fundación Mapfre á traxectoria de Down Galicia pola inclusión laboral das persoas con discapacidade intelectual.</li> <li>Premio “Líderes en Calidade de Galicia” polo sistema de calidade.</li> <li>Mención honorífica a entidades de acción voluntaria de Galicia.</li> </ul>
2019	<ul style="list-style-type: none"> <li>Premio “Cheo de Vida” outorgado polo “Consello Regulador da Denominación de Orixe Protexida Queixo Tetilla” ao proxecto “Atención Temprá para nenas e nenos coa Síndrome de Down”.</li> <li>Finalista do Premio “Yotubeir@s” á Calidade Lingüística polo programa de Youtube “OrientaConsello”</li> </ul>
2020	<ul style="list-style-type: none"> <li>Finalista da IX Convocatoria de Axudas a Proxectos Inclusivos Fundación Universia e Fundación Konecta co proxecto de “Emprego Con Apoio”</li> </ul>
2021	<ul style="list-style-type: none"> <li>Premio da Fundación “la Caixa” ao proxecto “Emprego Con Apoio”</li> <li>Premio da Fundación Mapfre ao proxecto de envellecemento da Federación</li> </ul>

## ENTIDADES MEMBRO



Entidad	Teléfono
<b>Down Galicia</b>	<b>981 58 11 67</b>
Down Compostela	981 56 34 34
Down Coruña	981 26 33 88
'Teima' Down Ferrol	981 32 22 30
Down Lugo	982 24 09 21
Down Ourense	988 37 03 13
Down Pontevedra 'Xuntos'	986 86 55 38
Down Vigo	986 20 16 56

# XUNTA DIRECTIVA

Cargo	Nome	Asociación
<b>Presidente</b>	Delmiro Prieto González	Down Compostela
<b>Vicepresidente</b>	Manuel Pérez Cabo	Down Pontevedra 'Xuntos'
<b>Secretario</b>	Elías Ledo Fernández	Down Compostela
<b>Tesoureiro</b>	Jorge González Rodríguez	Down Vigo
<b>Vogal</b>	José Antonio Villamarín Cid	Down Lugo
<b>Vogal</b>	José Martín Rodríguez	'Teima' Down Ferrol
<b>Vogal</b>	Manuel Álvarez Esmorís	Down Coruña
<b>Vogal</b>	Rafael Cabezas Enríquez	Down Ourense



# ÁREAS DE ACTUACIÓN: AS ETAPAS DA VIDA



**Área de Atención Temperá:** Formada por servizos dirixidos a nenos e nenas de entre 0 e 6 anos, para mellorar o seu desenvolvemento físico e intelectual. Tamén se orienta e apoia aos pais e nais para fomentar a autonomía na contorna familiar.

**Área de Educación:** Integrada por programas dirixidos a usuarios e usuarias a partir dos 3 anos que xa van á escola. Os programas de esta área teñen por obxectivo que as persoas con e sen discapacidade poidan estudar na mesma aula.

**Área de Formación e Emprego:** Dirixida ás persoas que buscan emprego. O obxectivo é desenvolver as súas capacidades para a inserción laboral e mellorar as súas posibilidades para acceder a un posto de traballo.

**Área de Vida Adulta e Independente:** Inclúe programas que ofrecen orientación e apoio ás persoas que desexan vivir soas, en parella, ou con outras persoas.

Nesta área tamén está o programa de Envellecemento Activo, que consiste en deseñar estratexias para que todas as persoas poidan facerse maiores mantendo as súas capacidades.

**Área Transversal:** Agrupa os programas que inclúen as persoas con discapacidade, as súas familias e ao resto da sociedade (ocio, sensibilización, intervención familiar).

**Área Complementaria:** Está composta por programas que inclúen a todas as idades (deporte, habilidades emocionais, expresión corporal, novas tecnoloxías...).

# TRABALLO REALIZADO E PERSOAS ATENDIDAS

O traballo das entidades de Down Galicia realiza-se a través de actividades, chamados programas ou actuacións.

A continuación describimos os programas realizados en 2021 e o seu resultado.

## Atención Temprá

Consiste en traballar con cada neno ou nena, para que mellore as súas capacidades físicas e intelectuais.

É moi importante comenzar o antes posible, xa que os nenos e nenas ata os 6 anos son como esponxas, absorben todo o que se lles ensina. Así poden mellorar moito para o resto da súa vida.

Durante o 2021 atendemos:

**20 nenos e nenas**



## Apoio Escolar

Defendemos a educación inclusiva, que significa que alumnos e alumnas con discapacidade e sen discapacidade teñen dereito a compartir a aula. Así non se exclúe a ningúén, e todo o alumnado pode participar na escola e contar con apoios se os precisa.

Nesta área realizanse dous tipos de accións:

- Dáselle apoio ós alumnos e alumnas que o precisan.
- Asesórase ós profesores e profesoras dos colexios.

Os resultados desta área durante o ano 2021 foron os seguintes:

**Apoio a 161 alumnos e alumnas  
Asesoramiento a profesorado de 115 centros educativos**



## Formación para o emprego

Nesta área, as persoas coa síndrome de Down e con discapacidade intelectual reciben cursos para ampliar os seus coñecementos técnicos e ter máis posibilidades de atopar un emprego.

Número de persoas que asistiron a estes cursos no 2021:

**306 persoas maiores de 16 anos**



## Programa de formación e preparación de oposiciones autonómicas e estatais

Down Galicia e as súas entidades membro levaron a cabo o Programa de formación e preparación de oposiciones autonómicas e estatais.

O seu obxectivo é que as persoas que participan neste programa consigan os coñecementos necesarios para presentarse a unhas oposiciones en Galicia ou no resto de España.

Neste programa participan persoas maiores de 16 anos e que son de diferentes lugares de Galicia.

Número de persoas participantes no programa:

**64 persoas participantes**

## Formación prelaboral e estimulación cognitiva

Neste programa as persoas participantes melloran as súas habilidades sociais e laborais e as funcións cognitivas. Ao traballar estas actividades poderán ser máis autónomos.

As funcións cognitivas son as que teñen que ver con aprender, memorizar, comprender, recordar, etc.

Número de persoas participantes neste programa en 2021:

**208 persoas participantes**



## Inclusión laboral

O obxectivo deste programa é que as persoas coa síndrome de Down e discapacidade intelectual teñan un posto de traballo nunha empresa ordinaria.

Down Galicia ofrece á persoa os apoios que precisa no traballo. Faino a través dun sistema que se chama “Emprego Con Apoio”.

No Emprego Con Apoio un preparador ou preparadora laboral ensínalle á persoa coa síndrome de Down ou con discapacidade intelectual a facer as súas tarefas no mesmo posto de traballo.


Grazas a este programa, no 2021 conseguimos os seguintes resultados:

**254 persoas participantes no programa**

**188 contratos vixentes no período**

**49 prácticas laborais no período**

**526 empresas contactadas**




## **Servizo de Orientación Laboral (Centro colaborador do Servizo Público de Emprego)**

Realízanse accións para que as persoas con discapacidade sexan capaces de buscar e atopar un posto de traballo.

As principais accións de orientación laboral son:

- Entrevistas individualizadas.
- Itinerario Personalizado de Inserción: é un traballo que se fai con cada persoa. A orientadora laboral indica as actividades e obxectivos que a persoa ten que realizar para atopar un emprego.
- Accións de grupo de orientación laboral.
- Atención ás familias das persoas demandantes de emprego.
- Traballo en rede cos técnicos de Emprego e Formación de outras entidades.
- Información e asesoramento.
- Busca de empresas do mercado laboral.

Número de accións realizadas e de persoas atendidas:



## **Programa de adquisición de habilidades para a vida diaria e a vida independente**

As persoas coa síndrome de Down e con discapacidade intelectual tamén precisan apoios para ser autónomas e independentes.

Son apoios para que se manexen por si mesmas na súa vida diaria. Para que realicen por si mesmas actividades de ocio, usen o transporte público, viven en vivendas compartidas con outras persoas, e tomen as súas decisións elas soas.

Número de persoas participantes no programa:

**266 persoas participantes**



## **Programa de apoio e intervención no proceso de envellecemento de persoas coa síndrome de Down e outras discapacidades intelectuais (IRPF)**

Down Galicia e as súas entidades traballaron xuntas para promover o envellecemento activo das persoas adultas coa síndrome de Down e/ou discapacidade intelectual. Desta forma, as persoas participantes teñen máis oportunidades de conseguir unha boa calidade de vida cando son maiores.

Durante o ano 2021 participaron neste programa:


**221 persoas participantes maiores de 20 anos**

## Programa de avaliação do envellecemento das persoas coa síndrome de Down e discapacidade intelectual

Down Galicia estuda as necesidades das persoas maiores coa síndrome de Down ou discapacidade intelectual para que estean mellor atendidas, poidan ser máis independentes e ter unha mellor calidade de vida.

Número de persoas participantes:

**483 persoas participantes**



## **Programa de ocio e vida saudable de persoas coa síndrome de Down e/ou discapacidade intelectual**

En Down Galicia queremos mellorar a saúde e a condición física das persoas coa síndrome de Down e outras discapacidades intelectuais.

Número de persoas participantes no programa:

**264 persoas participantes no ámbito do ocio  
254 persoas participantes no ámbito da vida saudable**

## **Programa de apoio a familias de persoas coa síndrome de Down**

A familia é moi importante para todas as persoas.

En Down Galicia apoiamos ás familias para que pais, nais, fillos e fillas teñan a mellor calidade de vida posible. Tamén axudamos ás familias a que se relacionen entre si e compartan as súas experiencias.

Número de familias participantes no programa:

**799 familias atendidas de toda Galicia**



## **Programa de apoio psicolóxico de persoas coa síndrome de Down e outras discapacidades intelectuais (IRPF)**

En Down Galicia cremos que a autonomía persoal é moi importante para as persoas coa síndrome de Down e outras discapacidades intelectuais.

Por iso traballamos as habilidades sociais das persoas usuarias e o coñecemento do entorno no que viven.

Número de persoas participantes no programa:

**117 persoas participantes das zonas de A Coruña, Santiago, Ferrol, Vigo e Ourense**



## **Programa de sensibilización de persoas coa síndrome de Down e outras discapacidades intelectuais**

En Down Galicia queremos que todo o mundo saiba as cousas que poden facer as persoas coa síndrome de Down e outras discapacidades intelectuais.

Gracias a este programa oíron falar das entidades Down de Galicia en colexios, universidades e clubes deportivos. Tamén saíron noticias en medios de comunicación, publicacións e redes sociais.

Número de persoas participantes no programa:

**766 persoas coa síndrome de Down e outras discapacidades intelectuais**

## **Programa de accesibilidade de persoas coa síndrome de Down e discapacidade intelectual**

Hai persoas que non teñen como ir ás sesións e ás actividades na súa entidade Down.

Este programa encárgase de conseguir un medio de transporte para que vaian.

Número de persoas participantes no programa:

**21 persoas participantes das áreas de Santiago e Lugo**

## **O Camiño do Movemento Down - Programa “O Teu Xacobeo”**

Down Galicia e as súas entidades organizaron varias etapas do Camiño de Santiago para que as persoas coa síndrome de Down, as súas familias e os traballadores e traballadoras das asociacións comparten tempo xuntas.

Número de persoas participantes no programa:

**89 persoas participantes das áreas de Ferrol e Vigo**

## Servizo de Promoción da Autonomía Persoal (SEPAP)

O obxectivo deste programa é que as persoas coa síndrome de Down ou discapacidade intelectual teñan todos os recursos para participar na súa comunidade por si mesmas.

Trabállanse os recursos dos que dispón cada persoa e adéstrase a súa autonomía persoal.

Número de persoas participantes no programa:

**741 persoas participantes en toda Galicia**

## Programa de coordinación entre asociacións, innovación e dinamización de iniciativas e metodoloxías de traballo

Down Galicia e as súas entidades participan en moitas reunións para defender os dereitos das persoas coa síndrome de Down e outras discapacidades intelectuais.

Este programa tamén serve para mellorar e facer más fácil o traballo das entidades que forman parte de Down Galicia.



## Programa de Comunicación e Sensibilización

### Día Mundial da Síndrome de Down

O 21 de marzo é o Día Mundial da Síndrome de Down.

Esta data é un símbolo: o día 21 do mes 3 (marzo). Simboliza que as persoas coa síndrome de Down teñen 3 cromosomas do par 21 das células do corpo.

No ano 2021 celebramos o Día Mundial da Síndrome de Down cun evento a través de Internet, no que participaron César Romero (Orquestra Cinema), Tanxugueiras e o presidente da Xunta, Alberto Núñez Feijóo.

### Aparicións en Medios de Comunicación

Durante o ano 2021, Down Galicia realizou diferentes accións para que toda a sociedade coñeza o seu traballo, os logros das persoas coa síndrome de Down e as súas inquedanzas e reivindicacións. Para iso, enviou notas de prensa e organizou actos públicos para saír en xornais, radios, televisións e páxinas web.

**366 aparicións en medios de comunicación**

### Redes Sociais

Down Galicia está nas redes sociais Facebook e Twitter. Nestas redes sociais publícanse as experiencias e os logros das persoas coa síndrome de Down.

Os temas que máis gustan son os das persoas que encontran traballo, os premios que gañan, e os actos do Día Mundial da Síndrome de Down.

**Facebook: 5.421 seguidores/as  
Twitter: 2.146 seguidores/as**

### Páxina web

A páxina web de Down Galicia, [www.downgalicia.org](http://www.downgalicia.org), recibiu en 2021:

**75.682 visitas**

## Revista informativa trimestral e boletín interno

Cada tres meses, Down Galicia elabora unha revista trimestral coa información máis importante dese período e un boletín interno para contar o traballo feito pola Federación.

As revistas e os boletíns informativos publicanse en xaneiro, abril, xullo e outubro.

## Programa de captación de fondos

No ano 2021 tamén se levaron a cabo varias accións para conseguir máis cartos para a Federación.

De entre todas estas accións destaca a venda dunha botella de aceiro inoxidábel co xornal La Voz de Galicia polo Día Mundial da síndrome de Down.

A campaña tivo como lema “Faite con esta botella e énchea de solidariedade” e conseguíronse vender 902 botellas.

## Programa de desenvolvemento tecnolóxico e comunicacións

A Federación Down Galicia soluciona os problemas informáticos das súas entidades membro.

Tamén traballa para manter a seguridade das redes. É dicir, para que ningúén de fóra teña acceso aos datos que se usan na Federación e nas súas entidades.

## Programa de apoio e formación a profesionais

As traballadoras e traballadores da Federación Down Galicia e das súas entidades membro fórmanse para poder seguir mellorando no seu traballo.

O ano pasado foron a moitas formacións organizadas por Down Galicia e por outras entidades externas.

No 2021 Down Galicia organizou:

13 formacións

## Programa de Calidade

A Federación Down Galicia e as asociacións que a forman teñen implantado un Sistema de Xestión, que se chama Norma ISO 9001.

Isto quere dicir que o traballo que se fai nas entidades membro (asociacións e fundación) é o adecuado para conseguir os seus obxectivos. Os seus obxectivos son apoiar ás persoas coa síndrome de Down desde que nacen ata que se fan moi maiores, para que se vallan por si mesmas.

## Outros programas

Ademais dos programas anteriores, Down Galicia tamén levou a cabo o Programa de constitución, dinamización e mantemento de redes e o Programa de apoio ás necesidades de financiamento, infraestruturas e recursos




## PERSONAS BENEFICIARIAS

O número total de persoas beneficiarias nas entidades Down de Galicia é de 759. Todas elas son persoas con discapacidade intelectual en xeral e coa síndrome de Down en particular.

A continuación imos ver cantas persoas usuarias hai diferenciándoas por localidade, sexo, idade e por se teñen síndrome de Down ou outra discapacidade intelectual.


### Personas usuarias: Comparativa por localidades

LOCALIDAD	PERSOAS USUARIAS
Ferrol	71
A Coruña	114
Santiago	98
Lugo	70
Pontevedra	110
Vigo	216
Ourense	80
<b>TOTAL</b>	<b>759</b>




## Pessoas usuarias: Diferenza entre síndrome de Down e outra discapacidade intelectual

IDADE	SÍNDROME DE DOWN	DISCAPACIDADE INTELECTUAL
de 0 a 6 anos	40	4
de 7 a 13 anos	56	5
de 14 a 18 anos	51	16
de 19 a 25 anos	81	65
de 26 a 30 anos	67	55
de 31 a 35 anos	58	60
de 36 a 40 anos	59	47
de 41 a 45 anos	24	23
de 46 a 50 anos	10	13
de 51 a 55 anos	8	6
de 56 a 65 anos	6	5
Máis de 65 anos	0	0
<b>TOTAL</b>	<b>460</b>	<b>299</b>




## Pessoas usuarias: Diferenza entre homes e mulleres

SEXO	TOTAL
Homes	411
Mulleres	348
<b>TOTAL</b>	<b>759</b>



## Pessoas usuarias: Diferenza por idade

IDADE	TOTAL
de 0 a 6 anos	44
de 7 a 13 anos	61
de 14 a 18 anos	67
de 19 a 25 anos	146
de 26 a 30 anos	122
de 31 a 35 anos	118
de 36 a 40 anos	106
de 41 a 45 anos	47
de 46 a 50 anos	23
de 51 a 55 anos	14
de 56 a 65 anos	11
Más de 65 anos	0
<b>TOTAL</b>	<b>759</b>



## ALIANZAS

Down Galicia forma parte de outras Organizacións en Galicia e en España.

Forma parte de **Down España**. Significa Federación Española de Institucións para el Síndrome de Down e é a organización de síndrome de Down de todo o país.

En Galicia, forma parte do CERMI Galicia, de EAPN-Galicia e colabora co Servizo Público de Emprego.

**CERMI Galicia** significa Comité de Entidades Representantes de Persoas con Discapacidade de Galicia. Defende os dereitos de todas as persoas con discapacidade e os das súas familias.

**EAPN - Galicia** significa Rede Galega contra a Pobreza e a Exclusión Social. Esta organización traballa para que ningunha persoa sexa excluída da sociedade, nin por motivos económicos nin por motivos de discapacidade.

**Servizo Público de Emprego de Galicia**. É o servizo da Xunta de Galicia no cal se inscriben as persoas que están buscando un posto de traballo.





# RESUMO ECONÓMICO

## Ingresos

De onde viñeron os cartos no ano 2021.


TOTAL INGRESOS	1.859.675,81 €	Porcentaxe
Financiamento público	1.724.719,47 €	93%
Financiamento privado	87.210,47 €	5%
Recursos propios	47.745,87 €	2%



## Gastos

En que se gastaron os cartos no ano 2021.

TOTAL GASTOS	1.855.698,95 €	Porcentaxe
Gastos de persoal	870.594,40 €	47%
Reparto ás Entidades Membro	431.896,46 €	23%
Transporte de persoas usuarias	79.504,14 €	4%
Outros gastos	473.703,95 €	26%



## Resultado

O resultado é a diferenza entre o que se ingresou e o que se gastos.

**O resultado do 2021 é de 3.976,86 €**

# CONTACTO

Estes son os datos de contacto de cada unha das entidades Down de Galicia:

Entidad	Contacto
Down Galicia	<b>Teléfono:</b> 981 58 11 67 <b>E-Mail:</b> <a href="mailto:downgalicia@downgalicia.org">downgalicia@downgalicia.org</a> <b>Web:</b> <a href="http://www.downgalicia.org">www.downgalicia.org</a>
Down Compostela	<b>Teléfono:</b> 981 56 34 34 <b>E-Mail:</b> <a href="mailto:downcompostela@downcompostela.org">downcompostela@downcompostela.org</a> <b>Web:</b> <a href="http://www.downcompostela.org">www.downcompostela.org</a>
Down Coruña	<b>Teléfono:</b> 981 26 33 88 <b>E-Mail:</b> <a href="mailto:asociacion@downcoruna.org">asociacion@downcoruna.org</a> <b>Web:</b> <a href="http://www.downcoruna.org">www.downcoruna.org</a>
Teima Down Ferrol	<b>Teléfono:</b> 981 32 22 30 <b>E-Mail:</b> <a href="mailto:teimadownferrol@teimadownferrol.org">teimadownferrol@teimadownferrol.org</a> <b>Web:</b> <a href="http://www.teimadownferrol.org">www.teimadownferrol.org</a>
Down Lugo	<b>Teléfono:</b> 982 24 09 21 <b>E-Mail:</b> <a href="mailto:downlugo@downlugo.org">downlugo@downlugo.org</a> <b>Web:</b> <a href="http://www.downlugo.org">www.downlugo.org</a>
Down Pontevedra Xuntos	<b>Teléfono:</b> 986 86 55 38 <b>E-Mail:</b> <a href="mailto:xuntos@downgalicia.org">xuntos@downgalicia.org</a> <b>Web:</b> <a href="http://www.downxuntos.org">www.downxuntos.org</a>
Down Ourense	<b>Teléfono:</b> 988 37 03 13 <b>E-Mail:</b> <a href="mailto:downourense@downgalicia.org">downourense@downgalicia.org</a> <b>Web:</b> <a href="http://www.downourense.org">www.downourense.org</a>
Down Vigo	<b>Teléfono:</b> 986 20 16 56 <b>E-Mail:</b> <a href="mailto:downvigo@downvigo.org">downvigo@downvigo.org</a> <b>Web:</b> <a href="http://www.downvigo.org">www.downvigo.org</a>

# COLABORADORES

## Colaboradores públicos



## Colaboradores privados



## **MEMORIA DE ACTIVIDADES 2021**



Rúa Alejandro Novo González, nº1  
15706 · Santiago de Compostela · Galicia





**DOWN**  
Galicia

Federación  
Síndrome  
de Down

down vigo · down pontevedra 'xuntos' · 'teima' down ferrol · down lugo · down compostela · down coruña · down ourense